



Parnaujaiji Nunaliriji

HAVAKTIUJUT MALIKTAKHAIT

Una taiguaq nanminirijaat Nunavut Nunalingni Ajuiqhaqtulirijit atuqtaulimaittunilu apirihimaittumik angiqtauhimaittumik uvannaq Nunavunmi Nunalingni Kavamangat Ajuiqhaudjijit (NMTO) Tiliuqtianit.

TITIQATHUNAUYANGI

Hivuniqhuut.....	5
Ukualluat Havaktait Havarijakhaillu	6
Havaarijakhautit.....	7
Havaktat.....	8
Qakuguurut unalu Hivulliujukhat Hulidjutit	12
Hivulliq Nappaa Ukiuq: Ubluqtuhivia – Imaruqtirvia.....	12
Tugliq Avvaa Ukiup: Taaqhivalirvia – Ubluiqtirvia.....	14
Atugakhalluat	15
Qulvariiqhugit Naunaijaqhimajut Havaktiujut	16
Aallallu Havaarijakhat.....	17

HIVUNIQHUIT

Ilaujuq pijariaqaqtaini, Nunavunmi Nunalingni Kavamangat Ajuiqhaudjijit (MTO) ajuiqhaivaktut Nunavunmut atuqtaujukhanik naujuummivikhaanut nakuuharnahuaqhugit nunalingni kavamangit auladjuhiit aviktuviani. Nunalingni Kavamangit tamaani Nunavunmi uqaqhimmaaqpaktut aallaniglu hunanik Nunalingni Kavamangat Ajuiqhaudjijit ajuiqhaittaaqqata havaktiuqpiatut pivallianit havaktullu taimaaruriangita.

Nunalingni Kavamangat Ajuiqhaudjijit tuhaajaqturvigijait Nunalingni Kavamanginni havaktut atan'ngujaillu tamainni Nunavunmi 2019-mi. Ukuat tuhaajaqtuidjutait naunaiqhaiblutiit kituujut havaktut ikajuqtaujukhautqijat. Arvilik malruungujut naunaiqtaujut tuhaajatuigamik:

- Havagvingmi Titiqqiqiji
- Ikajuqtuq Angajukhiq Titiqqiqiji/Ikajuqtuq Atan'ngujaujaq Titiqqiqiji
- Paliihimaujaq
- Nunaluyut Maniliugutit Pivaliayuligiyit
- Maniliqiji/Akiliqtuiji & Akiliqtaqtuq/Maniliqiji
- Aulapkaiji Haamlatkuni Havaktakhaq/Atan'ngujaujaq
- Parnaujaiji Nunaliriji
- Aulapkaiji/Tutqihaiji Ulapqidjutikkut

Hapkua havaarijaujut naunaiqtaungmata, tamarmik atahuillaqtaulutik apiqhutaublutik ivaqhiadjutikkullu kangiqhivigijaujut havaktatit havaarilluaqtakhaillu, naunaiqhiblutiit havaktut havaani ukunani inmik havattiarumajainik ihuaqtumik (ajuiqharlutik, maniqautikkullu ukuat ilainait).

Taimaa, Nunalingni Kavamangat Ajuiqhaudjijit (MTO) havakaat havaktiujut maliktakhaat, unalu havaktiujut maliktakhaat ukununga **Hannaijaiji Nunaliqijilu Titiqqiqiji (PLA)** ikajurumablugit taapkuninnga havaaqaqtut kangiqhiattiariangita havaktatit havaarilluaqtakhaillu, imaalu hiviiliuqtuilutik havaktamingnik naunaijailutiglu havaakhariakhiniarumik. Nunalingni Kavamangat Ajuiqhaudjijit niriuktut ukuat havaktiujut maliktakhaat ikajurniaqtait havaktut qanurunaaruiriangita havaamingni qilamik, ikajuqhugillu havaktut havattialiqpagiangita.

Pingitniraut: Una havaktiujut maliktakhaat himmautiginngittaa atiliuqhimajaqqit Havaarmi Havaarijakhat. Una havaktiujut maliktakhaat havaktauhimajuq ikajuutigijaarni ubluq-tamaat havaktatit havarijakhaatillu. Ilitturiniaqtutit, ilangit havaarilluaqtatit titiraqhimaqut uvani havaktiujut maliktakhaanni tiliuqtauhimanngittut ilingnut atan'ngujarnit. Apiqhuutikhqaqaruvit havarijakhakkut, uqarivivigavglugu atan'ngujat.

UKUALLUAT HAVAKTAIT HAVARIJAKHAILLU

Taapkua ikpataujani naunairutauniaqtut havaarilluaqtatit havaarni titirarnit havaarmi havaarijakhautinit katitiqtaujut tamainnit nunalngi kavamanganit Nunavunmi. Malruuk havaarmi havaarijakhautinniitpaktut titiraqhimajut havaktat havaarijakhallu. Ukuat kangiqhidjutait ukua tainiinit:

Havaarijakhat: Havaarijakhats havaarnit qulvatqijaq pijakhatit, imaluunniit tikilvigaqtuqtakhatit havaarijat ihuarutaujaami ihariagijaillu haamlatkut naammagidjutikhait. Havaarijakhats pijarijakhq, pigijat ilvit pinngitkungni iniqtajunaittuq, imanguunngituq huliutit, hulidjutit, havauhikhatit.

Havaktat: Havaktaq imaa huliutijut, hulidjutijut havauhikhaillu pijakhat naunaijaqhimajut havaarijakhats ihuaqtumik havaarijat tikilvigilugu havaarni havaarijakhautit. Aallautilluanga imaa havaktat HULIJATIT. Havaktat havakpaktat tikivigijakharnut imaluunniit havarijakharnut tikinniarlutit.

Uuktuutigilugu, "hamlatkut havagviat halumalugu" havaarijakhats, una, "iqqakuuqtarlutit" imaluunniit "nunamingnik halummaqhigiangita malruiqturlutik ukiumi" havaktakhaq huliutit havaakkhat tikilvigiarni havaarijakhats. Uqarjariiqlimajuuq, havaktat havaarijakhats titiraqhimajut havaarni havaarijakhautit. Ilanginni, havaktat titiraqhimajut ikpataujani ataani uuma ihumagittauttaaqtut "havaarijakhats" havaarni havaarijakhani titiraqhimajut, imalluunniit titiraqhimajut havaarni havaarijakhautit havaktatit. Kihiani, aallikkut, kituugaluaqhuni havaktat havaarijakhalluunniit tiliuqtauhimajaujut qanurluunniit naunaijaqtauhimajut, nakuujumik pinahuaqhuni tamaita havaglugit iniqtirlugillu. Taimaa naunainniaqtuq havaktutit havaarnullu iniqtirijutit ikajurnahuaqhugu nunagijat ihuarnahuaqpakhutit.

Ilihimaluhi taapkua havaktat havaarijakhats illu titiraqhimajut ikpataujani qaffituuqhimajut ajurnaittaami qiniriangita; hivulliqtiqtauhimanngittut, imalluunniit ikpingnauhiirinngittugillu.

Havarijakhautit

Havarijakhautit		Tittikiutihimayunik
1	Uqaqatigilugit haamlatkut kativiit nutaakkut igluqpivkhaliuraangamik.	
2	Amirilugit tamaita hanajut hilamiittukhanik (tamajaqarviliuqtut, akhaluutiqarviit aallallu) hanajaujut iglumingni hilataani.	<ul style="list-style-type: none"> Una puiguqtauvaktuq tamainni nunallaani. Hilamiittukhanik hanagumik angiqtauujukhaujut Hannaijaiji Nunaliqijilu Titiqqiqijimit (ilingnit) imaaluluunniit ihuarijaulunilu Qapitirijit atan'ngujaaujaannit.
3	Pihimalutit ihuaqhaqhimajunik iniqtihimajunik tutquumaviinik tamainnut iglupaqarviinnut.	
4	Havaqatigilugu avikturviani nunaliqiji.	
5	Ajuiqhajuummirmaqtuqattaqpagluni qaujimajaamini nutaanik ublumimut havaarijaminullu.	
6	Tutqikhailutit pivalliadjudutinik nunaliqinikkut maligaujanik, maliganik, maliktaujukhaniglu.	
7	Titirarlugit, munarilugit titirait ukunanga, atuqtitilitillu Pivalliadjudutinik Pijungnautit.	
8	Pivalliajuniqaqtutit nunaliningnut.	
9	Titiraujaliurlutit, nunaujaliurlutit, nunaliningni qanurinikhait parnautit, tunilugit qanurinikhait, aviktuqtat maligaralaat, akitujut havaakhauhit.	
10	Ilitturipkarlugit nunalgit pivallajillu parnautikkut nunalirinikkullu nunagjarni.	
11	Ilihimallugit tamaita nutaat igluqpakhat nalaumajukhaujut malikhutiglu aviktuqtat maligaujanik nunaliningni parnautinullu.	
12	Amirilugit atuqtitilitillu tamaannik maligakhat nunanik kaatulaaktut, ilihimalugit tamaat pijukhautit qanurinniarutailu malitaujaakhaita.	<ul style="list-style-type: none"> Una havaaq tiiliuqtaaqtaa ilingnut Angajukhiq Titiqqiqijip/ Atan'ngujaaujaq Titiqqiqijip.
13	Ilihimalutit nunami pitquhingit nalaumajut aviktuqtat maligaujanut, nunaliqjinirmut maligaralaat, nunaliningni parnautillu.	
14	Havaqatigilugit nunalgit, pivallajulirijit, haamlatkut kativiit, kavamatkunni havagviit, kativiit nunaliqinirmullu.	

Havaktat

Havaktat		Tittikiutihimayunik	Qaffiiqturniq
1	Pihimalutit nunalingni kavamangata nunanut qaffiqtirutaat.	<ul style="list-style-type: none"> Iniqtiaqhimajuq qaffiirlugit tamaita haamlatkut nunangit, atuqtaujuullu igluqanngittullu, ukuat pijariaqaqtut nutaanguqtirlugit qakugunnguraangat. Ilihimajukhaujutit nalunaijainnaqhigaangat haamlatkut avatinganik. Nunanik atuqtukhat, una qaffiqtuhimajut titirait ikpingnaqtut ukiuqtamaat akiliqtuijakhanik akiliqtaujaangata.. 	Taimaaqtaungittut/ ubluq tamaat
2	Katitirilutit titrainik akiliqtuijakhainik nunalingni kavamatkut maniliqijiita.	<ul style="list-style-type: none"> Qaffiqtuhimajunit, naunaiqhittaaqtutit tamaita nunanik akiliqtuijat akiliqtuijukhanguqtut ukiuqtamaallu akiliqtakhaat akituhiit tamaita nunanik akiliqtuijut. Aturlugu qaffiqtuhimajuq, ihuaqtumik titrainnik tunihittaqtutit manilliqjinut akiliqtakhaq. Ihvriuqhibludit qaffiqtuhimajunik, ilitturiniaqtutit ilangit akiliqtuijut utuqqannguqtut, akiliqtauqtauuhimaittutik. Ilittuipkarlugu Maniliqiji unalu Angajukhiq Titiqqiqiji/Atan'ngujaujaq Titiqqiqiji qanuriliuliriarni. 	Tatqiqhiutikkut/ Ukiuqtamaat
3	Ikajurlugu Angajukhiq Titiqqiqiji/Atan'ngujaujaq Titiqqiqiji pinahuarnikkut nunanik haamlatkunnut.		Ihariahuktaukpat
4	Tunilugit igluqaqtut nanminirijamingnik, maligaliqijit, maniqarviguuat, Naanaijut Kanadami.		Ihariahuktaukpat
5	Havaangit Titiraqtius havagiarni Pivalliadjutit Uuktuffaarutinut Katimajiit tiliuqqatit Angajukhiq Titiqqiqijip/Atan'ngujaujaq Titiqqiqijip.	<ul style="list-style-type: none"> Uuktuffaaqtakhaqaqqat, ilivit hivajaqtauniaqtutit katimajinut titiraqtugiarni. 	Ihariahuktaukpat
6	Tunilugit haamlatkut katimajiinut nutaat nunanik akiliqtuijut, aviktuqtat aallanguqqata, najuqtaunngittut igluquoait/tun'ngavikhat atuqtaujuukhat nunanik akiliqtuijakhanut.	<ul style="list-style-type: none"> Pigaangavit aturumajunik haamlatkut nunanginik, ilitturipaqtajukhat haamlatkut katimajiit. Tamaannik nunaliqinikkut angiqhijukhaujut. 	Ihariahuktaukpat

Havaktat		Tittikiutihimayunik	Qaffiiqturniq
7	Katimaqatigilugit igluqpijumajut uqautijaangita ihuarnikkut pijukhaujut nunalngni kavamangata aviktuqtat maligaujanik Nunalngni Parnaullu.		Ihariahuktaukpat
8	Iniqtirlugit tamaita titiraqhimagukhat nutaanut nunanik akiliqtuijakhat. Ilihimalugit titiraqhimagut atiliuqhimajukhat Angajukhiq Titiqqiqijimit/ Atan'ngujaujaq Titiqqiqijimit tunijaulutik avikturvinni nunalqiji atiliuqtaujaangat.	<ul style="list-style-type: none"> Iniqtirlugit akiliqtuijakhat titiraqhimagut ikpingnaqpiatut, nunanik atuqtitainiq maligliurutaungmat angirutaa nunamik aturumajumit nunalngni kavamangatalu. Nangaqtuhimaittumik. Makpiraanik iniliuriaqqaqtutit titiqqallu tutquqtirivingmunngaqtukhat. 	Ihariahuktaukpat
9	Titiqqiqijiulutit maligaliurnikkut pijakhait Kamisinap Nunalqinirmut Maligaq Nunalqijiulutit.		Taimaaqtaungittut/ ubluq tamaat
10	Pilugit, ihivriurlugit, titirarlugillu nunanik uuktuutit tunilugillu atuqidjutit haamlatkut katimajjiinut angiqtakhaat. Kiulugit uukturumajut utaqqikhaaqtihimaittumik.	<ul style="list-style-type: none"> Maligaliuqhimajut maliktaujukhat titirariami nunanik uuktuutinik. Uqaqatigilugu avikturviini havagviat naluqhaliruvit huljaarni. Katimajiit angiqtakhaat. Naunaitiaqhimajut ubluit nunalngni kavamangat kiujaangita maliktaujukhaujut. Ilanginnik abluqhiguvit ilvit nunalngni kavamangat ihuinaaqtniaqtatit maligaliuhimajamingnik Nunavunmilu maligaliuqhimajunik. 	Ihariahuktaukpat
11	Hannajailutit tujurlugulu titiraqtat kiudjutit tamainnut apiqhivaktunut nunat mikhaagut.		Taimaaqtaungittut/ ubluq tamaat
12	Hannajailutit maligaliuhimajukut nunanik kaatulaanik, ilihamalugit ihuaqtut pijukhaujut qanurinniarutailu ilaujaakhaita.	<ul style="list-style-type: none"> Mikijunik nunalngni kavamatkut havgvianni, una havaariniarunaqtat uvuuna Hannajaiji Nunalqijilu Titiqqiqijiuguvit. Angitqijani nunallaani, havagviqaqtuq ukuninga havaaqqaqtunik. 	Taimaaqtaungittut/ ubluq tamaat
13	Tutqikhailutit ilaunngitaangita tamainat maligaliuhimajukut nunanik kaatulaanik imaalu akiliqtakhaliurlugit.	<ul style="list-style-type: none"> Mikijunik nunalngni kavamatkut havgvianni, una havaariniarunaqtat uvuuna Hannajaiji Nunalqijilu Titiqqiqijiuguvit. Angitqijani nunallaani, havagviqaqtuq ukuninga havaaqqaqtunik. 	Taimaaqtaungittut/ ubluq tamaat

Havaktat	Tittikiutihimayunik	Qaffiqtunraq
14 Ikajurlutit ihuaqhautiagut aviktuqtat maligaujanik, nunallaani parnautit, ilaujuniglu nunaliningni maligaralaat.	<ul style="list-style-type: none"> Ilvit qaujimattiarijaqaqtutit nunalirinikkut nunangni. Takuhiguvit hunanigliqaak ihuaqhariaqaqtunik maligaujani, titirarlugit tunilugulu Angajukhiq Titiqqiqijimut/Atan'ngujaujaq Titiqqiqijimut. 	Ukiuqtamaat
15 Naunaiqhailutit pijariaqariakhaa hannaigailuni nutaanik nunanik pivalliajakhanik nunangni.	<ul style="list-style-type: none"> Ilihimaliruvit nunaqalluarungnaqtut igluqpivikanik nunangni. Havaqatigilugu Angajukhiq Titiqqiqiji/ Atan'ngujaujaq Titiqqiqiji tunijukhanik katimajinut. Titirarlugit nunangni tukhiqtaujut pijarnik havagvingni mikhaagut nunanik pivallianikkut ihariagijaujunik. 	Tatqiqhiutikkut
16 Ikajurlugit ikajuqtiiiliuqtut iniqirijaangita nunanik uukturutinik titiraqtut, titirarlugit nunanik uukturutit haamlatkut katimajilu Nunavut kavamatkunni Nunalingni Kavamatkunnillu Pivikhaqautitkut, iniqtirlugu pivalladjutinik pijungnautit uukturutit ataani aviktuqtat maligaujanik, imaalu titirarlugit pivalladjutinik pijungnautit ilajuqtigilugit haamlatkut katimajit.	<ul style="list-style-type: none"> Ajuiqhaqtaaqtit ikajuqtuvagiarni tamainnut ikajuqtajumajunut iniqtirijaangita titraqhimajukhanik. Ajuiqjariaqaruvit, uqarvigilugu avikturviffi havagviat apiriluguluunniit Angajukhiq Titiqqiqiji/Atan'ngujaujaq Titiqqiqiji. Hailihimavaglutit apiqhuutiqaqtunut. Kiudjutikhaqanngitkuvit, avikturviini havagviat apirilugu. Havaahauhiqaqqat nunangni pivalladjutikhanut/hanajukhanut pijungnautiqariaqaqtunik, tunihittaqaqtutit. 	Taimaaqtaungittut/ ubluq tamaat
17 Nunalingnit ilitturipkaigiarni katimapkailutit nunaliqiniup mikhaanut maliglugit Nunaligni maligaralaat.	<ul style="list-style-type: none"> Tamaita aallannguqhimajut nunakkut aturniagut pijakhait haamlatkut avatinganik tuhaqtitaujukhat nunalgit katimaqatigilugit taimaalu titraqhimajukhaq. 	Ihariahuktaukpat
18 Tuhaadjutikhanik nivingajukhanik titirarlutit una aturlugu Nunaliqinikkut Maligaralaat.		Ihariahuktaukpat
19 Havaglutit tujurlugillu naalautikkut tuhaajaujukhat.		Ihariahuktaukpat

Havaktat		Tittikiutihimayunik	Qaffiiqturniq
20	Uqarvigilugit ikajuqtatit maligaliuqtillu ihuinaaqqata akiliqtuijanik.		Ihariahuktaukpat
21	Taigurlugit, kangiqhittiarlugit, titirarivmunngarlugit, pihimalugit nunaujat hilablu piksaliuqhimajut quliptingnillu piksaliuqhimajut.		Taimaaqtaungittut/ ubluq tamaat
22	Ikajurlugit nutaanguqtiqtaukpat nunalgit nuna atuqpauhiagut maligaralaat.		Ihariahuktaukpat
23	Titirarlugit pungnautinik, pivaglutik nunanik uukturutitakiliutallu pivaglugit.	<ul style="list-style-type: none"> • Tuhiqhaigaangat pivalliadjutinik/ igluqpidjutik pijungnautinik imaaluuunniit nunanut uukturutinik, akiliqtitaivaglutit titirarlugillu ihuaqtumik. • Ilangit uukturutit akikhait utiqtitauttaaqtut uuktuqtunut. 	Ihariahuktaukpat
24	Hannaijailutit tatqiqliut ukiuqtamaallu kangiqhidjutinik nunaliqinikkut, nunani hulidjutikkut, nunanik pivalliadjutit parnautit tunijukhat haamlatkut katimajiinut.		Ihariahuktaukpat
25	Havagvijuni ihevriuqhilitit, uuktuqhilitit, apiqhuilutit, hannaijailutit titiraujarlugit/ titirarlugit, piksaliurlugit, pijariaqaqqat.		Ihariahuktaukpat
26	Hannaijailutit uuktuffaaqtautit pijakhait Pivalliadjutit Uuktuffaarutinut Katimajiitkut.	<ul style="list-style-type: none"> • Titiraqhimajatit ukunuuna ikauutauqpiarniaqtut. 	Ihariahuktaukpat



QAKUGUURUT UNALU HIVULLIUJUKHAT HULIDJUTIT

Ukua titiraqhimajuq ukunani ilingnik ikajurnahuarutaujuq naunaiqhaijaarni havaalluaqharnut ukiuraalukkut, tautukhugit titiraqhimajut havaktakhait naunaijariiqhimajut.

Ilihimapkarmilutit; una uukturut ilihimajaujunit qakugukkuurutini havaarnut tamainni Nunavunmi. Una atuqtaaqtat ikajuutigilugu tatqiqhiutikkut naunaiqhaijaarni; kihiani, ukua qakuguurutit nalaumajunaittut atan'ngujaqqit qakuguurutaanit hivuliqtuidjutaanilluunniit. Ilitturivigijakhat atan'ngujat naunaijariarni kitut havaktatit hivulliujukhaujut tatqiqhiutikkut.

Hivulliq Nappaa Ukiuq: Ubluqtuhivia – Imaruqtirvia

Iluittunga Havaktat/ Havaarijakhat	Ubluqtuhivia	Iidjurvia	Qiqailruq	Aipuru	Qiqaijarlu- aravia	Imaruqtir- via
Umiakkut Agjaqtut/ Aquiqtuqtat		Tunilugu Angajukhiq Titiqqiqiji/ Atan'ngujaujaq Titiqqiqiji titrainik tamajakhat iharigijaujut nutami ukiumi.				
Qitiqqautia-ukiup imaaluunniit Ukiuqtamaat ihivriuqtauniq			Katimaqatigilugu Maniliqijitkut havagviat takugiarni hunanik pijumajut ihivriuqtaunirmut.			

Iluittunga Havaktat/ Havaarijakhat	Ubluqtuhivia	Iidjururia	Qiqailruq	Aipuru	Qiqaijarlu- aravia	Imaruqtir- via
Katimajiit Katimajaangata	Katimajaqtuqpaglutit katimajaqtuqujauguvit imaalluunniit nunaliqinikkut angiqtakhaqaqqat katimajinit.					
Haamlatkut Maniqautaita Titirait			Tunilugu Maniliqijitkut titirarmik atiinnik akiliqtuijunik qakugulu akiliqtuijukhaujut qanuraaluglu atugalgit. Una havaaq tatqiqhiut tamaat pijariaqarniaqtuq humi tatqiqhiunmi akiliqtuijukhauviani.			



Tugliq Avvaa Ukiup: Taaqhivalirvia – Ubluiqtirvia

Iluittunga Havaktat/ Havaarijakhut	Taaqhivalirvia	Niqiliqivik	Apitilirvia	Tattiar- naqhijuq	Hikutirvia	Ubluiqtirvia
Umiakkut Agjaqtut/ Aquiqtuqtat			Tikittuqaraangat hunanik ihivriurlugit akiliqtakhanut qanuritaangitalu tikinnamik.			
Qitiqqautia- ukiup imaaluunniit Ukiuqtamaat ihivriuqtauniq			Katimaqatigilugu Maniliqijitkut havagviat takugiarni hunanik pijumajut ihviriuqtaunirmut. (Pijariaqaqqat).			
Havagviujuni Ihvriuqhiniq	Aujami, ihivriuqhivaglutit nutaanik nappaqtiqujaujunik igluqpanik.					
Katimajiit Katimajaangata			Katimajaqtuqpaglutit katimajaqtuqujauguvit imaaluunniit nunaliqiniup mikhaanut katimajiinut angiqtariaqaqqat (qakugunnguraangat).			
Haamlatkut Maniqautaita Titirait			Ihvriuqatigilugit Maniliqijitkullu akiliqtaujakhat akiliqtaujut, nutaanguqtiriakkit titiqqat pihimajatit.			

ATUGAKHALLUAT

Ilaujuq uvani havaktiujut maliktakhaani, Nunalingni Kavamangat Ajuiqhaudjijit qaffiujunik atugakhaqaqtut qaritaujakuurutimingni (<https://www.nmto.ca/>) nakuudjutautaaqtuq. Ilihimajukhaujutit atiliurlutit Nunalingni Kavamangat Ajuiqhaudjijini qun'ngiariangita. Nunalingni Kavamangat Ajuiqhaudjijit ikajurumavagait havaktut tamainni havaani tamainnilu nunalingni kavamanganit aviktuqhimavingmi.

Ilaujullu ukununga atugakhanut, Nunalingni Kavamangat Ajuiqhaudjijit aallatqiinik qaritaujakkut ajuiqhautiqaqtut. Ukuat ajuiqhautit, ilaujut ajuiqhaudjigaangamik Nunalingni Kavamangat Ajuiqhaudjijitkut Haamlatkut Kavamangat Naunaitkutait Pivalliadjutit, ajuiqharviggittaaqtatit qaritaujakkut havagviannit haamlatkut, taimaa aulaqhimaittumik qaffini ubluni ajuiqhariaqturiarni ajuiqharumajarnik aihimablutit. Ajuiqhautit ilingnik iniqtiqtaaqtatit, pingahuni havailaani, taiguagakhalik qaritaujakkut hulijakhaliglu, malruuk ajuiqhaijik hivajautikkut uqarvigvangniaqtatit havailaaq ungutkaangat ilihautiniaqtaatit ilihaqtakharnik kiulunilu apiqhuutiqaruvit.

Ajuiqhaqtakhat ukuninnga:

- Ilihalluaqtakhat Ajuiqhautit
- Ikajuqtuq Angajukhiq Titiqqiqiji (ASAO)
- Haamlatkut
- Ulapqilirijit Hivuliqtit
- Parnaujaiji Nunaliriji
- Maniliqiji


Ilangit uukturutit ajuiqharnikkut ukununga Hannaijaiji Nunaliqijilu Titiqqiqijinut, ilaujut:

- Iliturin'ngarniq Hannaijainirmut Nunaliqinirmullu
- Nunalingni Hannaijainiq
- Nunalliqiniq (Puqtulaanga 1 unalu 2)
- PALS (Nunalingni Hannaijainiq Nunaniglu Munaqhidjutit)

Piqaqtullu qaritaujakkut, ilingnik iniqtiqtaaqtat atilik **Ikajuqtuiniq**, pittaaqtut Inuktitut Qablunaatullu. Ikajuqtuiniq angmaumajuq Haamlatkut Kavamangatkunni havaktunut aallanullu nunalingni kivgaqtuijunut. Ilaujumajut inmingnik atiliuqtaaqtatut Ikajuqtuiniq (atiliurutiqarluni kiikhampik) iniqtirittaqaqtuq inmi kajumingnikkut.

Aallaniglu tiviligilat ajuiqhautit ilaujut ukunani. Takulugu Nunalingni Kavamangat Ajuiqhaudjijitkut qaitaujakkuurutaa takujumaguvit kitut ajuiqharumajatit!

QULVARIIQHUGIT NAUNAIJAQHIMAJUT HAVAKTIUJUT



AALLALLU HAVAARIJAKHAT

Ukuat iluttaaqutut havaarnut uvani havaktiujut malikatakhaanni titiraqhimannngittut, kihimi titiraqhimajakhatit naunaiqhaqtakhatit. Uvani ilangani titirarvikhat hunaliqaak ikpigijatit titiraqtakhatit imaaluuuniit tiliurutit tunihimajait atan'ngujaqqit, havaqatikpit, piqitalluunniit havaarni havarijakharnit.

Havaktat/Havaarijakhautit	Qanurituujut









Nunavunmi Nunaliningni Kavamangat Ajuiqhaudjijit

P.O. Titikikvia 1509, Iqaluit, Nunavut, X0A 0HO

Hivaayautaa akiittuq: 1-866-770-5218 | Qaritauyakkut: info@nmto.ca

nmto.ca